

Arubaanse Courant

Directiva y anuncio, tel: 1116
Redaccion y subscripcion, tel: 2116
Manager E. Wouters

Diarazon 19 Mei 1965

Boerhavestraat 12, Oranjestad
Subscripcion pa luna fl. 3,25
Un edicion los fl. 0,20

NA TELEARUBA..... Awe nochi "Kiwanis club" ta cuminza cu accion pa hanja lechi pa muchanan di school

Awe nochi, for di diez'or pa diezun'or via TeleAruba, Kiwanis Club di Aruba lo cuminza cu un accion cu ta di vital importancia pa nos comunidad. Especialmente pa e hubentud cu mayan lo ta e hombernan di Aruba, e accion aki ta importante como cu awe nochi Kiwanis ta cuminza ricibi e 3000 liberdi lechi pa e muchanan di school. Algun di e artistanan local lo duna nan contribucion gratuita pa haci e programa mas atractiva pa e televidentenan, mientras cu algun miembro di Kiwanis lo duna splicacion tocante e programa aki.

E programa lo cuminza pa diez'or di anochi via TeleAruba y lo tin actuacion di algun artistanan local. Miembronan di Kiwanis Club, e club cu ta organiza e programa aki, lo duna splicacionnan di kiko e accion "lechi pa muchanan di school" ta exactamente, mientras cu e televidentenan tin oportunidad pa informa na telefon cuanto lechi nan ta desea di regala pa e bon causa aki.

Tur persona na Aruba, sea cu e ta mirando e programa di awe nochi of no, por jama entre diez y diezun'or na e telefonnan 7302 of 7303 y duna su contribucion den forma di tanto liber di lechi. E personanan cu kler duna placa en efectivo na lugar di

continuacion riba pag 2...

continuacion di pag 1..
di Kiwanis pa duna lechi na e muchanan di promer te cu di tres klas, pero e donacion generoso di ayera nochi a pone nan cambia di idea.

E programa di ayra nochi a worde anima pa Tico Kuiperi, kende a introduci e artistanan cu a colabora desinteresadamente na e accion aki. E artistanan aki ta: Padu del Caribe y Dr. Chan, Nilka Franka y Los Latinos; Etty Toppenberg y Trio

Huastecas, Jossy Brokke Jr. y Los Llaneros, y "The hap cats"

Durante di e programa srs. Roberto Lopez Henriquez y Eddy Fowler a duna e televidentenan un splicacion di loke lo a bai tuma lugar y e obhetto pa cual Kiwanis a dicidi na tene e accion aki na final di e programa Sr. Morris Serphos a gradici tur donadornan, e artistanan y tur otro persona e instancianan cu a duna un man pa asina haci cu e accion di e anochi a cosecha un exito asina tremendo.